

KUZOSHATSHALALISWA UGWAYI ONGEKHO EMTHETHWENI WENANI LIKA-R18 MILLION

Cape Town, 8 kuMbasa 2021 – Iminyango eyehlukene kahulumeni elwisana nokungeniswa kwempahla nokuthelekisa okungemthetho izoshabalalisa ogwayi abayi-12 million abanenani lemakethe elingu-R18 million eKapa ngoLwesihlanu mhla ziye-9 kuMbasa 2021.

Lokhu kushatshaliswa kuzoqala ngehora lesi-8 ekuseni endlini yombuso i-State Warehouse, esikuleli kheli no.9 FW de Klerk Boulevard, Cape Town Foreshore.

Ugwayi lowo uzocutshwa khona kuleyo ndawo, kube kulandelwa imigomo yezempilo neyokuphepha. Udoti wawo uzohanjiswa ngebhande elihambayo uye elolini elikhethekile bese uyasuswa uyiswe endaweni ephiphile yokulahla.

Labogwayi abangekho emthethweni babanjwa ezindaweni ezehlukene, kubandakanya ukubanjwa kwesiqukathi esingamagxathu angama-40 esashushumbiswa sangena ezweni sabe sesidalulwa njengenyempahla.

Ukuvinjelwa kokungeniswa nokuthelekiswa kwempahla ngokungemthetho yikho uhulumeni agxile kukho esebenzisa ithimba elisebenzasanayo i-*Inter-Agency Working Group (IAWG)* ngoHwebo Olungemthetho, elibandakanya iminyango kahulumeni nama-ejensi ehlukeni.

I-IAWG igxila ezimpahleni, izindwangu, izicathulo, izimpahla zesikhumba kanye nengqalasizinda okungemthetho, kanjalo nezimoto ezingamasekeni.

Ukushatshaliswa kwezimpahla ezingekho emthethweni kumele kuthumele umyalezo oqinile wokuthi uhulumeni uthi alufakwa lubuya nodaka uma kuza ezindabeni zohwebo olungemthetho kanjalo nokuqwashisa umphakathi ngobungozi lezi zimpahla ezinabo emnothweni wethu nasezimpilweni zabantu bethu.

Izenzo ezingemthetho ezifana nalezi zibulala amandla ezwe lethu okukhiqiza, okube sekuholela ekuntulekeni kwemisebenzi, ukungalingani kanjalo nobumpofu. Impahla engeniswa ezweni nethelekiswa ngokungemthetho kuwumthombo okhiqiza imali iye eqenjini lezigebe.

Ukulwisana nesihlavo sokungeniswa kwempahla nokuthelekisa okungemthetho kusemqoka kakhulu ngoba ukungeniswa kwempahla nokuthelekisa okungemthetho kunciphisa imali eqoqwa ngu-SARS.

Imali engenile idlala indima ebalulekile ekwenzeni ukuthi uhulumeni akhe umbuso okhonayo okwaziyo ukuhlinzeka ngezidingongqangi kubantu namakhaya ahlwempu nasengozini, kanjalo nokwehlisa umthwalo kubaqashi nasezisebenzini ngesikhathi sobhubhane lwe-Covid-19.